



城南寺

漢臣黃家舒著

褐衣僧輕薄曲江春

正名

杜舍人證果城南寺

第一折

生扮杜牧之上蓋世文章金馬門。風光領袖六街

春。珠簾不捲紅樓面。留待花間得意人。小生姓杜

名牧。字牧之。京兆人氏。新中狀元及第。未及授官。

則為我弱冠登科。聲振京邑。盛名之下。辭應甚煩。

春容祖記
不學西
同神似

這城南有一文殊古寺。水竹清深。欲往隨喜片時。都未得暇。聞得官制將下。已着奚童伺候去了。想我少有逸才。下筆成詠。今日托賴聖恩。科名鼎貴。翰墨風華。好生榮豔也。

仙呂點絳脣。綠髮年韶。綵毫香老。承恩早。酒映宮袍。妬殺長安道。

混江龍聽臚傳唱惱。誰似我洛陽才。三都賦。占斷向杜陵豪。彤墀日近。御墨烟飄。沙堤綉擁。綺陌青饒。千官劍佩。萬戶笙簫。綺羅人煖。珠翠春翹。籠鞭

壓轡。簇仗鳴鑣。夢中花都吹綻。在紫紅枝。墨池魚直飛上了。風雲沼暢。好是機雲再世。班馬今朝。童

上玉珮趨青瑣。天書下紫闈。相公已奉聖旨除授相公中書舍人兼知制誥了。

油葫蘆生則見你彩鳳銜書下碧霄。道郎官畫省標取次的九重春色醉仙桃。童想中書舍人好生

清要哩。生是也。便河陽花。怎應得芙蓉幕。便綉衣

郎怎奏得清平調。則我這侍黃昏長樂鐘。承紫禁君王召。鬱輪袍已換取明光草。又何須痛飲讀離

騷童方纔我在朝房中、伺候聖旨時節、見那一個
不讚相公詩賦來、

天下樂生不在我一字吟成萬恨消、雲霄借羽毛。
雖然如此想從來知音的能有幾人、半爲我集賢
仙客人年少、就是我這幾篇詩賦、若沒有今日科
名呵險做了龍門藏的書、長沙招的魂、玄亭解的
嘲江頭投的瓢、全虧着、一聲雷幫襯好。
童各鎮節
度都有書通候相公咱、

那叱令生這的是凌雲筆、驚動了龍旗豹韜。
童各

府公侯勳戚都遣禮相賀、生這的是瓊林宴壓倒

了玉璽金貂。
童朝中公卿大老也都來盡了、生這

的是含香署、鬧翻了鸞臺鳳閣。
童那四方山人遊、
客詩僧舉子紛紛投書相見、却是爲何、生這的是

李膺門自薦書、孔融座通名表、道是我西京冠冕

東壁瓊淫。
童聞得相公十里鸞啼綠、映紅與玉人

何處教吹簫二詩、已入御前承應、便是這些教坊
歌妓、都說今年狀元不比往常哩、

寄生草、生映綠題山郭、吹簫憶畫橋、却原來禁烟

詩早譜入梨園調陽關疊早彈遍銀槽索柘枝詞
 早舞落研光帽便道那年年桃李上林饒須知這
 聲聲璧月瀛洲少我既已授官明早可收拾入朝
 謝恩歸來往文殊寺去者童曉得

煞尾 生 仙掌日華高火樹星榆落投至得東華春
 曉少不得破寒窓新夢朝鷄報安排着錦袖飄飄
 受用些爐香繚繞但則索謹隄防紫駟驕蹀躞章
 臺悄望銅駝路遙盼金鸞歸早我待要踏青郊爛
 寺草蕭蕭下

第二折

外扮僧上空華身世兩無憑百歲風前短焰燈只
 恐為僧僧不了為僧若了總輪僧老僧無名禪師
 是也皈依心西土寄跡南城則為這五濁昏昏三塗
 擾擾利障易消名根難盡多少有智慧奇男子埋
 沒在應舉登科多少沒結果小前程破壞了生天
 成佛俺待與指示迷途同還覺路爭奈他識情流
 浪綠業牽纏熱噉噉講經說法反添下人我幢高
 虛飄飄因果輪迴怎喚得繁華夢醒算來不如依

樓雲水斷絕。見聞直到那眼耳鼻舌。俱歸寂寞。方纔信山河大地。立變虛空。且喜掛捨以來。地僻人稀。囂塵罕到。撚指又是三十年了。今日却纔出定。早午齋時。候也。正是曾臘背前卦。禪心莫小。山下生童上蓬萊。闕下是仙家。上路初迴。白鼻騮。試向城南尋古寺。雲林深處。日初斜。我杜牧之朝罷。回來待往文殊寺去者。

雙調新水令 每日價宴櫻桃花柳曲江池。且偷閒春山遊屐。溪橋隨款段。風景愛招提。則今日珮解。

龜携還怕這綠衣郎。有人識下外上伏念調狂象。安禪制毒龍。齋過後且去打坐者。生童上迤邐行來。已到文殊寺了。進得寺門。真好清幽也。

駐馬聽寶鐸音吹。隔斷紅塵三十里。虛堂寥寂。蛛絲鳥跡。篆烟微。遍迴廊風雨。卧荒碑滿空。苔蘚埋幽砌。步斜暉。讀殘經。翻落松風裡。且進禪堂看者。

步步嬌花木蕭疎。清涼地。曲徑通禪室。暮鼓聞晨鐘。磬原來有僧入定在此。則見他擁短褐。無言獨

掩扉把身心。覺後持等世界浮漚寄。且待他出定時。問些佛法呵。

殿前歡。俺可也謾躊躇。等得箇蒲團坐。落雨花飛。抵多少。撈嚴一卷心如洗。似這槁木寒灰。應不在着袈裟。任翠微。僧起相見介生來稽首。忙投他。乞伊行半句曹溪偈。要做今生寶筏。夙世金篋。外原來先生要問佛法。請先生坐了者。生好一個禪師也。

攪筆。畫面慈悲。梅檀器容真實。龍象圍。請問禪師。

法號家鄉。一一見示。外既已忘名。有何法號。偶然

掛增。那記家鄉。說他則甚。生道行藏大海。水浮萍。

論姓氏。未生前黑漆。來此幾年。曾否募齋。結緣登座。說法外則貧僧在此三十年。一齋一衲。並不曾

出這方丈也。生原來如此。美殺你護經簾。朝共夕。

與軍持作侶。共木榻相知。拾黃葉爲衣。煮栢子充饑。印雙帙。肯踏門前地。還自愧紫陌紅塵騎。外先

生高姓大名者。生小生姓杜。名牧。字牧之。世居杜曲。與寺中相去不遠也。

沉醉東風。居和止爭些。咫尺字和名。有甚依稀便。
做道。面龐兒不廝親也。應知耳朶裡。曾聞說。但相
逢。不用着殷勤。懷刺試看取。世上詩名榜上題。怎
茫然面壁外。接語良久。到不曾問得先生所業何
事。童這師父好呆。難道不曉得今年狀元及第。是
什麼人。外貧僧不知。童好奇怪。方纔師父說不出
方丈的。想因此還未得知。只是難道舊年省元。就
出在這杜曲坊中。却也忘了。外貧僧也不知道。童
怪事怪事。

折桂枝。先呀兀道是杏園紅。到處光輝都付與人。
靜山空。猿笑鷗疑。說甚麼御苑芳菲。玉堂名位。珂
里門楣。自榮枯。郝家仙桂。乾塗抹。漢殿蛾眉。浪平
章珠玉。淋漓漫驕奢。珊瑚玳瑁。蕤只落得走名場奪。
坐驚筵對山僧垂首支願。我杜牧之省得了也。待
吟詩一首者。家住城西杜曲坊。兩枝仙桂一齊芳。
禪師都未知名姓。始識空門意味長。我杜牧之省
得了也。

雁兒落。那紫耶朱。分明襤褸衣。那棘耶槐。分明兒

童戲那絲綸閣。分明短排場。那鳳凰池。分明虛筵席。

得勝令。錯認個名姓。列金銜。誰識是豪華。憑傀儡。甫能勾。喧闐車馬隊。又則索冷淡水雲扉。休提在。待着進賢冠。空一世高低。只問這老頭陀。知未知。童相公問些佛法呵。外有甚佛法。則問恁未入寺時。曉得自己是個狀元。既入寺後。還曉得自己是個狀元麼。若說曉得的是假。那不曉得的從何處來。若說不曉得的是真。那曉得的從何處去。則老

僧道未入寺門時。原沒有狀元杜牧之。只有個不曉得狀元的杜牧之。急須認取。便是無上菩提也。生多承指教。言下豁然。俺就此皈依者。拜介。

七弟兄。一霎時。天竺界。普皈依。永祝我塵世劫免輪迴。三生石。長留清淨身。慈悲增不種貪嗔習。

收江南。呀。便到那畫麒麟。金印肘邊垂。對僧願記。取破衲伴禪棲。大官厨自有肉中羹。好風光。只暗知。這的是蓮花寶座。不沾泥。童你看夕陽將下。啼鳥還枝。請相公歸去。唱。

尾生報龕前。捨影西。似去住暗中催。報枝頭春鳥啼。似衰盛景中移。從今後把莽才華。傻風流。喬甲第。齊向這空門收拾。過去的。登火寒。鷄息喚。攸望。蜜爭梅。現在的。烏紗錦。綈總看破。糞積泥堆。未來。的得喪。歡悲總。叅到圓寂。茶毘怎扯得。睡鄉遊莊。非蝶非。怎託得。武陵源。人迷路。迷原不消。五湖舟。鱸歸菜歸。也不勞神。武門冠遺。劍遺何待。哭北邙。山松纍栢。纍何待。吊雲陽。市波危。浪危。只這白雲堂。風移日移。紫微郎。來遲去遲。尋常話。心灰意灰。

功名事。驚誰。曠誰。泥金報泡。今幻。今青衫。淚悲痴。恨痴行。脚緣炎。宜冷。宜涅槃。因閒持。鬧持。呀。早了。却。夢黃梁。許多興廢。下。

西臺記

晚菴陸世廉著

第一齣

商調鳳凰閣生扮謝翺小生扮鄒瀨各冠帶家人

隨上生江天殘照恨煞孤忠難效。劍光橫厲影蕭

蕭幸得故人相靠。小生事機堪笑枉白了風霜鬢

毛生漫將書劍學從軍。塞草寒烟帶夕曛。小生浪

說野謀能補國。笳聲已徹嶺頭雲。相揖介生小生

謝翺字臯羽建溪人也蒙故人文丞相檄至幕府

表貞臣志
節易寫我
上胸懷
妙在不
浮艷
抽摹肝膽
實具具

與至友三衢鄒瀨共參軍事，雖則言聽計從，素心
晨夕，但山河破碎，江南無一寸乾淨地，事勢已去，
將來如何措手？〔小生〕事之不可爲，小弟亦稔知之，
但食人之食者當終人之事，况已毀家爲國，區區
成敗利鈍，總不必計較了。〔內〕鼓吹介生丞相升帳
了，且同進見。〔外〕扮文丞相引衆上。

遶地遊〔外〕文臣擁彘，故國摧如掃。看攬槍猶森芒
角，風塵繚繞。平白地，乾坤顛倒。空彈徧腰間寶刃，
〔外〕日輪誰復更揮戈，怕聽軍前盡楚歌。事到白頭

終是盡。廬陵忠義古來多，下官文天祥，字宋瑞，廬
陵人也。起自魏朴，驟當國難，賊臣誤國，遂有啣璧
之事。趙家三百年山河社稷，俱付烟草矣。我不度
德量力，思整一旅以圖後勁，幸謝鄒二君遠來相
助。天意人事，尙未可知。但孤軍無援，難以自存。且
待二君來商個計策。〔二生〕進見介。〔外〕今故國已墟，
二王南邁，北來軍聲益熾，我獨力難支，請問二公
計將安出？〔生〕明公以局外之身，遠赴國難，事之濟
否，所不敢知。然旣許國，便當死生以之。惟有號召

東南聯絡忠義盡我心焉而已。小生明公以忠義自矢，天日鑒之。今日之事，有進無退。至于戰守機宜，還須與張都統細細商量。互相表裏。外二公實啟我心。適已遣使請張都統去了。

高陽臺外荆棘銅駝，宮城禾黍，中原極目烟消。回首臨安無情，最是江湖堪詎。孤臣泣血，誰知也空自負氣冲晴，顛二位。難道便出師未捷，營星先落。前腔生英豪，葉榜名標，綸扉身踐。從來望實崇高。今日呵折戟沉沙，還將認取前朝蓬飄。六飛早已

逾江徵論君恩，敢忘圖報。願明公重奠封疆，再安宗廟。

前腔小生牢騷刁斗宵嚴，羽書旁午。霜風破裂旌旄，共濟艱難。忍教山鬼招搖。祖鞭先着，須知道。况明公丹忱可表，且從容整轡長驅。肅清沙漠。末扮

張世傑戎服引衆上。徒將熱血染征袍，萬里胡天鳥不巢。欲搗狼胥清瀚海，只今誰是霍嫫媯自家。張世傑的便是。我赴難勤王提兵到此，恰與文丞相義師相值。適丞相有事相商，差官來請。須索走

一遭雜稟元帥到相府了。末快通報報介外出迎

介末老丞相你一旅孤軍長城萬里世傑一籌莫展能無厚顏。外大元帥你龍韜素裕麟閣可期今

日天祥得恃以無恐非公而誰。二生進揖介末二

位爲誰。外幕僚謝翽鄒鳳皆天下有心人天祥知

已也。末世傑聞名久矣觀此邂逅殊慰平生請坐各坐介生今日事勢有同壓卵丞相孤軍無援難以自立所以屈麾下相商者正欲君戰于前我承于後左提右挈共成犄角猶庶可徵倖于萬一耳

小生尤有請者北兵益進江閩俱爲戰場厓山一片地恐非乘輿久頓之所願元帥別作良規早圖安攘天若祚宋事或猶可爲也。外今日事勢爲之極難但我輩爲人臣子死生以之又遑恤其他末世傑亦辦此心久矣事若不濟決不使丞相獨死事難預度且隨機而應便了

前腔末相遭白馬歸周金人辭漢况兼陽九方驕力弱難支何處更築函嶠無聊脩脩予尾堪悲悼望伊家共相聯絡但使我犁庭有日卽覆巢重保

前腔未鞭梢。身在戎行。職司闔寄。幾回夢裏推敲。
念亂圖存。總須將相和調。今朝寸心相語。傾懷抱。
論交情。敢忘期約。望君家。膚功早建。俺也得分餘
耀。

前腔二生難料。片石千鈞。一絲九鼎。當機若個堅
牢。計切安危。祇惟憑藉。同袍相邀。今朝把臂通談
笑。又何日再圖傾倒。惟願取兩情莫逆。千秋共表
未多承指教。謹當銘之于心。不敢有誤。外安危共
之前途保重。

線大長江扇大天 塞垣高鳥沒狼烟
獨憐京國人南竄 門泊東吳萬里船

第二齣

淨扮博羅丞相引衆上。立馬吳山第一峯。帝星不
復灼江東。靴尖趂倒長城塹。一統山河掌握中。踏
家博羅丞相的便是。我大元兵威遠震。所在投戈。
近日空坑一戰。遂使他隻輪不返。連那文丞相也
拏來了。豈非國家之幸。只是這廝意氣高岸。不肯
降屈于我。如何耐得他過。今日且喚他來辱沒他。

一番他亡國之大夫生死在我手中還敢與我相
抗麼叫聽事官喚宋丞相文天祥過來說相府有
話講官應下引外布衣氈帽裹頭上

正宮破齊陣外破陣子頭痛煞家亡國破深慚負
此頭顱齊天樂壯氣橫霄丹心凝碧夢裏幽懷安
訴破陣子尾坐聽飛鴻聲淒楚翻羨蘇卿秃節孤
殘軀何有無我天祥責任封疆一朝喪敗誤國之
罪殺身莫贖今日羈囚在此惟願速死以完全節
如何久不加誅豈將以我爲留憂炎乎蒙古蒙古

何不知我之甚也官傅羅丞相爺有命請文爺講
話外彼亦丞相我亦丞相雖與亡事殊名位等耳
相見間禮數不明反爲不美不去也罷官丞相鈞
旨誰敢有違快去快去外隨行介花外子規燕市
月柳邊精衛浙江潮官此間是相府了請在儀門
少待稟過相見報介淨着他進來外進見長揖介
丞相拜揖淨怒介天祥好無禮你亡國之餘見我
如何不跪外天祥生平讀書此膝未嘗少屈淨唱
介這等無狀你生死在我猶敢說此大話叫左右

拽他跪。衆推拽外。挺立介。天下事有廢有興。自古帝王以及將相。滅亡誅戮。何代無之。今日天祥至此。有死而已。

錦纏道。讀詩書。負髮眉。惟邦家是圖。竭節要匡扶。不隄防。天驕突地狂呼。怎免得戴南冠。便作囚殍。敢忘了楚三閭。身葬江魚。博羅你休者也之乎。那綱常萬古。怎忍少糊塗。今日裏相逢岐路。生和死總付一胡盧。淨你說有廢有興。且道盤古到今。是幾帝幾王。外。怒介。一部十七史。從何處說起。我今日非赴博學宏詞科。何服泛言。

朱奴帶錦纏。朱奴見何須問。升沉有亡。何須問帝王疆土得失。從來水上鳧。平生事只求完玉錦纏道。莫更泣窮途。笑將來厲鬼猶堪作後圖。斧鉞曾何怖。但教青史不模糊。淨你既不肯說。且道古時曾有人。臣將宗廟城郭土地。付與別人。又逃去的麼。外。奉國與人。是賣國之臣也。賣國者必不去。去者必非賣國者也。予除宰相奉使軍前。尋被拘執。不意賊臣獻國。國亡當死。所以不死者。以度宗二

子在浙東、老母在廣耳。

普天樂 今日裏欲圖存誰是主。欲投荒將安處。空懸念白髮慈親。定省事。怎教我日夜牽腸肚。况兼他玉牒天潢。堪託付。淨汝棄德祐。嗣君而立二王。可謂忠乎。外當此之時。社稷爲重。君爲輕。我別立君爲宗廟社稷計耳。當日事別無他顧。但有人把家當戶效。微軀收拾殘疆剩土。淨自古帝王之立。皆有受命。汝立二王。是篡也。外景炎度宗長子。德祐之兄。不可謂不正。登極于德祐去國之後。不可

謂篡。陳丞相以太后命奉二王出宮。不可謂無所受命。

普天帶芙蓉。普天樂奉慈恩情難阻。當壓紉儲堪副。况敷天左祖。安劉存一綫。且自支吾。柰事去一且成莽鹵。玉芙蓉到如今。羞看禾黍滿王都。淨怒介汝立二王。竟成何功。外立君以存宗社。存一日則盡臣子一日之心。何功之有。

錦芙蓉錦纏道。論君臣共安危。忠猷是攄。臨事以含茶到頭來。天心高遠難呼。沉埋了定鼎訐謨。竟

理今日天祥至此有死而已何必多言

尾聲山河滿眼俱非故。猛回頭屋上瞻烏。長嘯介

好笑我欲別無家身草土。下淨他怎麼辭也不辭。徑自去了。我看他到底囉強恐終不爲我用。且待奏過主上再作區處。

一片降幡出石頭。夕陽西下水東流。

天涯盡處無征戰。空戴南冠作楚囚。

第三齣

正旦扮天妃引女從上。桑田變海峽爲陵。千古曲
亡一盞燈。詫道春光好。風日履霜早已積。堅冰小
聖天妃。閩中林氏女也。坐鎮滄海。驅策風濤。得制
人間死生。遂領千年香火。總之運數有定。勅旨難
違。小聖不過奉行文書而已。可憐趙宋三百年社
稷。數已垂盡。應是胡元入主中國。雖忠臣義士。極
力挽留。終亦不易。今帝舟顛覆。傾蕩無餘。只那都

統張世傑擁兵海上，猶思再舉。彼亦劫中人也，豈能獨存？但其忠誠自矢，可與日月爭光。我已奏聞上帝，欲勅他共理海中政務。已奉俞旨，卽宜從事。左右可傳我旨，請龍神議事。副淨扮龍神領風伯、雨師上蛟宮，自昔鄰銅柱。海若依然簸雪濤，雜報介龍神到，相見介副淨。娘娘宜喚小神，有何鈞旨？且玉帝有勅，要將張都統世傑分理海中諸務。今其數已盡，須煩龍神覆諸水中，敦請受事。副淨此事風伯主之，可近前來聽娘娘法旨。風伯謹受令。

且香骨長留天地間，清風遠拂珊瑚樹。同龍神先下風伯喚蝦兵蟹將一班水族來聽我分付。雜水族上風伯天妃有命，要覆盪張都統船隻，不得有誤。雜應介暫下末引衆急走上。

南宮薄倖未鼓死，無聲兵罷莫進。看萬疊波濤震，南風不競。帝宮何處，恐匡門難穩。摧頽盡猶兀自，心頭耿耿論死綏。原是吾曹職分，敗矣敗矣彌望。旌旗捲地來，樓船未許片帆開。汨羅移向鼉鼉窟，欲踵巫咸首重回。我張世傑統領舟師十萬，扼住

海口不意北師徑自岡門而入阻截往來帝舟聲
息杳不相聞如何是了探子操小舟上元帥不好
了元兵已入匡門帝舟不知去向未驚介怎麼了
可再打聽速速回報

紅衲襖我只道莽乾坤不遂淪我只道舊朝廷猶
復振誰知道北兵暗裏忙偷陣反教我六飛咫尺
遠難尋欲揚舡勢已吞欲移屯無安頓始信那海
島田橫竟是一場兒戲也死臨受伴鬼燐探子急
操舟上不好了不好了帝舟已覆百官從死無一

個活底了未大驚介楊太后怎麼樣探子還未知
下落未再探去探子急下未歎介國家喪敗遂至
于此我大宋以忠厚立國三百年深仁厚澤猶在
人心老天老天何不祐之甚也

前腔想當日裹黃袍擁作君想當日覆紫雲開新
運重門洞闢人心順列聖相承將古道敦遜臨安
走粵閩帝子孫皆隆準那寢廟衣冠猶月出闌游
也何到今朝遂不神探子上報元帥太后娘娘泊
船山後陸丞相抱少主赴海慟哭一場也自沉身

了未好太后好太后君死國臣死君太后又爲宗
社死千秋名義相扶不隳此我朝忠厚之報乎舉
國淪胥我將安往取辦香來待我拜告天地雜香
到未拈香拜介我張世傑爲國驅馳聞關馬皇一
君死復立一君臣子之心力盡矣天不祚宋可速
起風波併覆我舟

前腔我爲艱難備苦辛爲圖存親行陣頻年血戰
遭顛隕今日裏海天空濶杳無津死和生莫更論
古來今心自軫老天你還我個完節全名大宋忠

臣也赴江流畢此身風伯引水族暗上作風勢介
衆駭亂介風起了快拴了船未看介此風爲我海
若我知已也不要曩隨他飄盪便了衆亂滾介遠
遠望見有一片黑氣壓將來船又拴不牢怎麼好
未歸他水族擁未作顛簸勢遶場走介

前腔未我虛飄飄水上蘋亂攘攘風凄緊馮夷爲
我先傳信向滄波深處早安身水族擁未急走漸
推衆兵下水介未滾潮頭似再領軍赴龍宮如重
開闢留此一宗閒話做個團終餘奏也朱綱常萬

古新擁未急下風伯好一個張都統船已覆沒我
事已辦回復天妃去

荒原空有漢官名
風雨聲中有戰聲
直入窮泉尋水底
不知知已是何人

第四齣

雙調北新水令生引家童携酒肴上晦林泉形影
共蕭條聽啼猿數聲哀叫台星今已圻楚些遠難
招地下天高何處將愁心告相從幕府志堪旌匣
底雙龍夜作聲誰是信陵門下客不將成敗論生

平我謝翱向與鄒鳳同在文丞相幕下一時共事
遂極相知妄意收合餘燼爲一成一旅之事不料
五坡一潰丞相遂被拘執雖天不我佑然心亦盡
矣乃事越三霜不聞死耗識者猶或疑之近日始
得確信知丞相已死柴市丞相之事畢卽我謝翱
與鄒鳳之事亦與之俱畢矣九鼎千秋亦復何憾
今日携酒看到子陵臺下招魂祭之子陵清高丞
相義烈正自並行不悖易地皆然西臺一片石與
天壤俱無窮矣本擬與鄒兄同來祭奠恐事或播

揚人來物色。反爲不美。只得瞞過他。獨自來此小
廝。可將我設立文丞相牌位。同祭禮。擺在臺下。待
我痛哭他一番。拈香奠酒拜介。丞相謝翱在此。哭
介。

駐馬聽國事宣勞。便把山河一擔挑。勤王鞠旅出
質軍前。行趨板橋。艱難歷盡。路途遙走。伏叢篠。怕
人知覺。蕢荷山樵。爲邦家也。顧不得身流落。想丞
相汎海而南。繇觀文殿學士晉拜右相。時勢已岌
岌矣。掉行不顧。從萬死一生中。龜勉經營。不遺餘
力。至空坑一敗。而志猶未已。卽天地鬼神。能不爲
之飲泣乎。哭介。

折桂令飛青雀。不辭萬里波濤。撐半壁似諸葛綸
巾。祖逖鞭梢。怎便做伏櫪驂騮。羸笈孤鳳。受繫潛
蛟。猛回頭。伶仃洋險重。思省惶恐灘高。鯨波正驕。
虎口難逃。從此後。只懷着夢裏君親。那免得身世
蓬飄。丞相初聞你有黃冠歸故鄉之思。謝翱深以
爲不然。男兒死爾。廬陵柴市。究亦何所分別。今丞
相已死。死得明白。死得乾淨。死得快活。然則丞相

未嘗死也。

雁兒落。你看那潑天風。駕海濤。鬱青霞。亘碧霄。總是那浩氣暗氤氳。忠耿相纏繳。丞相謝翱在此。你還認得故人麼。

得勝令。想當日爲圖存。與你漆和膠。事關心到處。同悲笑。逞干戈。何時了。鐵心腸。空排調。憂焦知己。真難報。牢騷。英雄恨未消。丞相請飲謝翱一杯酒。痛哭介。

沽美酒。橫擺着梨花春。桑落酒。雪香醪。雞黍依然識故交。料得你夙心相照。早做了日星河嶽。騎箕尾。光生芒角。馭雲烟。氣凌霜鏢。炳丹青。風清寒。飄我呵。那管他山頭野燒。只落得一聲長嘯。

收江南。呀。你還記得患難相從。有謝翱。今日裡天上人間不共鑣。成仁取義自君標。貫日虹應繞。始信道萬古雲霄一羽毛。小生鄒鳳上。早間謝臯羽匆匆出門。不知往那裏去。日已晡矣。尚不見歸。我且尋他回來。同飲幾杯酒。以遣岑寂。問介。小廝們可曉得謝爺往那裏去了。內。聞在子陵臺上。小生

我也久不到釣臺了。且去眺望一眺望。見介。臯羽兄。你在此做什麼。生。我在此哭奠文丞相。小生。弟亦久有此心。何不與我共之。生。本欲相聞。恐耳屬于垣。只得瞞了你。小生。哭得好。哭得好。自阮嗣宗死後。空山無哭聲。千三百餘年。于茲矣。你今此一慟。堪與鐘球並鳴。與風雷俱震。奕世而後。又誰為繼其聲者。

南銷南枝。生。君臣義首。其搔當年。兩人同幕寮。忍看麥秀。漸漸遂付與閒花草。你淚頻澆。我心如搗。

這衷懷誰知道。

前腔。生。搵頭當年車笠在。從來生死交。但使身名無忝。縱到嚼齒穿。斷也不啻加封號。丞相已死。我與爾心亦慰矣。從今後富春山兩足標。月沉江同一炤。

藏血三年化碧時。杜鵑啼上最南枝。
山前有客祠彭越。塞上無人斬郅支。

衛花符

伊令堵廷棻著

踏莎行末上小院清清。關情碎碎。亭邊夜月焚紅。
膩。瓣香祈壽。賜花枝。休教三月為花世。若個兒
郎。不因春殢。哭花何似安花智。崔郎粉本傳紅幙。
游棠花下星星記。

小園清聚多文女

正名

朱幘立淡煞風姨

第一齣南呂蕭豪韻不犯不重

詞曲妙處不在用事但實題却虛衍不得此作點點輕倩結構玲瓏雋味

首句本作仄仄平平今仄平平今從近體那一仄字舊作平平仄仄起者非

雜扮二青衣仙粧雙鬢上集唐陳庭桐伴宿風烟。此夜西亭月正圓。若但掩關勞獨夢。天桃隱下背花眠。我們是陶李兩家青衣。寄居洛苑。左近有個崔郎別院。雖則蓬蒿滿徑。儘也清雅幽閒。俺夫人和二三女伴。每遇春時。或結隊踏青。或相尋鬪草。也常到他那林亭裡。吟風弄月。抹雨梳烟。今日欲過上東門。與封家十八姨一尋佳會。特遣小婢子先行告知。那崔郎自是韻人。定是不嫌唐突。正是雖然不是桃源洞。春至桃花亦滿溪。

懶畫眉生上九十青青付寂寥。閒中景味自蕭騷。

為甚採苓歸後恁無聊。你看林子外一片夕陽淺。

紫前山照閒汲清泉。灌藥苗。艷以淡中得。媚幽成

雋翁。雖復遊人間。蝶寄塵不紅。小生崔元微是也。

典就水木。侶結漁樵。虛室雲巢。卜隣花吉。以天寶

初結廬洛苑之東。負水澆花。斲烟栽藥。物性漸通

老圃。幽娛不愧山翁。真是坐卧皆遊。桃梅作曆。好

不瀟酒。今晚皓月初升。一望採烟織翠。則這小圃

中。又別是一番景致也。

不是路霧幄烟綃處士幽棲浸月凹內作青衣語

云那翠疎疎青曲曲棘籬藤架左首小紅亭便是

崔家也。生做聽介是何處女郎聲音難猜料三三

兩兩過蘅皋珮環飄青衣入見介崔先生生覩介

只見低鬟掩黛雙痕小敢一徑春風誤柳橋青衣

先生不須驚怪俺家西居洛苑夫人偶携二二三女

伴探客東門乞借佳圃小停使妾先來奉告耳生

原來如此小娘子恁夫人欲來時憑瞻眺怕吾廬

未合神仙到重煩青鳥重煩青鳥青衣下生坐待

介老旦淡黃舞衣旦淺紅衣貼雅淡粧小旦緋紅

衫青衣隨上老旦楚楚腰肢葉葉身旦貼春風今

古任東隣老旦空歌舞袂聽黃鳥小旦好整紅衫

侍玉人老旦行來已是他家也李家姐聞那博陵

處士高寒疎淡不愧清流貼那有我輩相知非是

風塵物外旦俺們為探十八姨來怎只評跋書生

忘却正事小旦陶家姐為甚的直恁怕他

前腔雪彩霞標我輩風流亦自脩那十八姨呵他

偏驕傲倚着輕盈少女逞虛囂妹子想來一任他

催花夜發承丹詔。你們呵便拜下。風甘我不抄。且

且見過主人再來叙話。恐崔生候久。貼怕書生誚。

且移蓮步臨仙嶠。漫尋歌笑。漫尋歌笑。衆入生見

介生呀。今夕何夕。見此粲者。老旦頃已令女奴相

告。正不識俊石紅亭。容雙成少駐否耳。生說那裡

話。但草亭未常設榻。只此湖山石畔。書草成茵。可

以小憇。衆坐介。青衣携盒上。茶旦扮封十八姨上

集唐。小如烟氣散如塵。草綠湖南萬里情。飄樂透

香隨日在。閒花落地聽無聲。俺封十八姨是也。傷

家娘子與陶李石醋諸姊妹。期我于洛苑之東。不

免走遭兒。青衣上。遇介呀。俺娘子們已在崔家院

中。等候夫人久矣。便請相見。衆笑迎介。老旦此間

林亭不惡。且主人甚賢。恐他處未必勝。此特留相

待。茶旦如此甚好。生出揖介。草草塵徑。獲垂清光。

使我風月平分。林泉生色。衆既見君子。載喜且狂。

衆侍兒看酒過來。衆送酒列坐介。

掉角兒序。衆啟芳筵。回榴葛桃。薦霞觴。交梨火棗。

幸飛瓊吹來碧霄。我輩呵抗塵容。暫同班草。衆起

輕佻之致
故在

舉觴介十八姨可滿引此杯。今夕願借十八姨一段風流。成此佳會。一在你轉。蘭叢移蘋末。度秦簫。飄玉笛占盡逍遙。從今以後呵。添紅點綠。花明柳嬌。惹得詩人賦道不鳴條。萬年枝上。五緯祥飈。

前腔 茶旦俺展輕裙。烟靄紛搖。集群芳。丰姿綽約。

向老旦介問章臺。誰託長條。指旦介怕去。年人難

尋舊好。茶旦起舉觴介諸卿各滿引此杯。小旦獨

不飲介茶旦石卿如何不飲。小旦天性不能勝酒。

茶旦石卿休得推辭。請飲此酒。祝卿多子。小旦變

色介此亦何與人事。煩姨見祝。茶旦冷笑介小年

人乃任性如此。茶旦執杯強小旦飲。小旦推酒酒

傾介小旦不悅起立介十八姨何獨見侵。將人衫

袖都淹了。茶旦怒介石卿好不解人意。俺便倒金

尊。傾綠蟻。濺紅裙。淹殷袖也。索相饒。衆起勸介十

八姨。俺家妹子呵。他天情如火。這衫兒呵。丹華似

潮。衆向小旦介妹子。你這女兒曹。做附耳低唱介

須念今朝此席。爲他特地相邀。生起勸介

前腔 生幸群仙。挈伴遊遨。小園林頓成瑤島。竟何

妨酒數推敲。越顯得主賓傾倒。今夕此會呵。真個是夢三生圖。一笑遇雲翹。逢晨肇。忍忽相拋。茶旦起行介。主人也不用相留了。試看星移珠斗。月轉銀濤。向衆旦介。謝相招。便彩雲輕散。後會非迢。衆散介。生正是散客出門斜。月在兩眉愁。思向橫塘下。四旦復上。老旦怎的了也。貼適間石妹陪他個禮。纔是主人之道。小旦何必如此。姊們只隨我來。復入介。生復上介。諸卿何又回轉。小旦特有求于處士耳。姊輩皆在苑中。每歲多爲惡風所撓。常求十八姨相庇。頃以杯酒之間。逢彼之怒。恐不可保。煩處士每歲旦作一朱幡。上圖日月五星之文。立之苑東。足矣。今歲已過。只此月二十一日。平旦微有東風。立之亦可免難。生敢不奉命。衆旦多謝了。我等告辭。更圖後會。生別先下。

尾聲。衆風花原自常相保。只有一種雌風妬未消。試畫一幅日月星辰將妬療。

第二齣黃鐘齊微韻不犯不重

生執幡上。集唐不堪芳草思王孫。環珮空歸月下

不說被好

魂亦有微緣兩相衛。梅花書屋近桃源。前者夜集
女郎紅評翠。真個是清宵半刻千金好。花月三
更一笑春。只此限邂逅奇緣。也是前生三峽。那女
郎囑我立幃東苑。以避封姨。我却也知他來歷了。
咳。香魂艷魄。何地無之。但非夙具根因。却也招之
不至。我崔郎儘有些僥倖也。今日已是二十一日。
且向苑中護持他們去來。

玉女步瑞雲。生花信頻移。林圃暗吹芳氣。聞開落
可盡關青帝。呀。說話之間。果有風從東方來也。且

就百花深處。豎起幃兒。立幃介。生做看幃介。前夕
諸女郎囑付我圖日月五星在幃上。倒也位置停
妥。只是一件。難道我崔元微。止呆呆的守着幃兒。
在此瞻風望氣。須是竭誠保佑他一番纔是。幃兒
上雖沒有甚神祇名號。則這日月五星也儘該欽
敬了。不免一一的向他禱告。則個東向拜日。介。日
呵。你且出扶桑路。遙升若木枝。雲間五色滿。霞際
九光披。今日我崔元微在此禮拜呵。

畫眉序。波丹禮朝日。則見流彩騰輝。麗東壁。早枯。

三序如爲
日月星辰

作頌
多用入作
去上者香
令每以此
見奇詞賦
亦云巧將
入韻埋藏

美。生。暖。薜。華。如。織。俺。則。待。假。陽。和。點。破。陰。霾。仰。羲
光。漸。回。蕭。颯。傾。心。竊。願。同。葵。藿。愛。戴。清。和。庇。江。筆
禱。日。已。畢。此。時。日。已。東。升。月。猶。西。掛。恰。稱。我。拜。月
也。西。向。拜。月。介。月。呵。你。迢。遞。同。千。里。孤。高。淨。九。圍。
從。星。作。風。雨。配。日。麗。旌。旗。我。在。此。禮。拜。呵。

前。腔。幽。懷。訴。明。月。則。見。清。冷。香。珠。廣。寒。結。便。你。也
不。久。團。圓。却。可。也。顧。瞻。儔。匹。只。月。中。丹。桂。呵。幸。仙
姿。耐。露。禁。霜。若。人。間。桃。李。呵。盡。柔。條。怎。受。雨。殘。風
劇。只。願。你。三。春。占。定。嬋。娟。夜。莫。待。他。銀。燭。高。燒。照。

狼。藉。如。今。再。遍。告。天。上。星。辰。拜。星。辰。介。星。呵。你。經
緯。連。三。極。光。華。燭。九。垣。填。橋。成。宿。好。聚。井。卜。文。纏。
我。在。此。禮。拜。呵。

前。腔。摠。衣。叩。辰。極。東。井。西。垣。自。歷。歷。便。畢。情。箕。好。
怎。生。依。得。我。崔。元。微。今。日。呵。剛。照。人。半。點。花。星。眇。
愁。予。一。絲。風。隙。願。携。牛。女。綢。繆。意。喚。轉。石。尤。垂。劣。
禱。祝。已。畢。却。又。斜。陽。西。下。也。

下。小。樓。情。畢。念。他。安。吉。小。金。衣。未。殘。紅。驛。孤。烟。一
片。春。園。夕。試。把。心。兒。細。想。怎。盡。是。書。生。之。力。呀。呀。

是好徽倖也。你看苑外光景，想都被風摧折來。那
幡兒果得力也。方從廣苑圍紅紫，却返荒齋省薜
蘿。虛下老旦旦貼旦小旦上介旦是虧了那生志
誠也。小旦我說不要愁那封十八。

鮑老催合狂鷗自歇鵝黃舞衫飄瑟瑟微酡小臉
紅。昔昔蜨粉留蠟珠攢腥脂溢生。生剪石廳雲汁
依依向碧遮芳翊。他若春春在春春逸貼那生與
人以德而不驕其容，便勝十八姨多少。旦他雖不
自德，我輩何敢忘之。老旦只是何以爲報。旦富貴

功名俱男兒所自致。况這也何足重他。只藉之以
長生便了。小旦既如此，我們各裹桃李花數斗贈
他。服此却老延年與天同壽。可也報德不淺了。衆
正合如此。衆各裹花行介。

滴滴金合想人間憐憐惜惜。是這三春節。怎知他
小小春幡恁停帖。紅亭紫陌皆寧緝。這餘芳猶似
純嘏錫。感深還嘆息。雋兒郎食花過軒曆。永受這
長城覆翼。想崔生此時還未睡也。叩門介崔生崔
生生上介

雙聲子。清宵逸。清宵逸。想女伴重停軾。衆見介聞

玉鳥聞玉鳥。循池入。慇懃忒。作謝介崔生崔生多

謝你保護之德也。承扶掖。承扶掖。便重來石上。此

恩無極。生惜月憐花。是書生分所當然。何謝之有。

衆且太謙了。各贈花介。俺姊妹行無以為情。各畏

桃李花數斗為壽。此花非人間所有。服之却老延

年。只今暫在花間。異日同歸天上。生力微恩重。何

福能勝。

尾聲。衆仙郎自具神仙質。巧借十八封姨。增護惜。

生但願世世生生衛紅碧。

零落逢春倍黯然。一身憔悴對花眠。

南園綠草飛蝴蝶。薄日青山哭杜鵑。

天若有情天亦老。月如無恨月常圓。

偶翻踈調歸紅史。慰否東風花少年。

集唐

鯁詩識

土室道民著

吳越王尺水交龍

正名

貫休師孤雲野鶴

末扮貫休上積火然薪十載餘、清泉消盡瓦鑪枯、而今爐竈無安處、自畫寒灰寫舊圖、老僧貫休、鍾陵人也、俗姓姜氏、幼習儒風、少壯時、遊學長安、與新定方雄飛、衡陽曹夢徵、為文字之知、只為我法不借、以此聲氣寡通、人熱羞因、遂爾身名蹉跌、後

值賊巢煽逆、冠蓋摧殘、老僧以未際亨衢、幸離厄
運、因此上拋下了顏孟家緣、寄迹在威音籬下、棲
住蘭溪和安寺、長安天子賜我法號、喚做禪月大
師、今已三十年、鐘梵雖親、筆墨未廢、想我半生形
骸萍梗、原不想到擇木求安、更見人世眉目風波、
懶得又去入國問禁、十數年內、十立君、五易姓、都
做俺東壁角返照的餘景、只好與蚊兒作緣、二六
時中、三食飽、一覺眠、總銷他北邙頭告假的飛光、
聞共那狗子說法、目今列國蠻爭、中原瓦裂、則俺
住的這塊土兒、又是吳越錢王的分界、俺想西蜀
峨眉、原是文殊道場、若得於此棲遲、可了暮年時
日、爲是別了寺主持鉢、西行已渡越江、來到武陵
境上、那錢王聞我入境、着所在有司、迎取入見、禮
遇之間、甚見優沃、又要我主持天竺香火、我相此
人、外貌雖則簡易、胸中甚是滿盈、可與暫接、難以
久遊、况俺發念原在西川、豈可中途灰棄、這也不
在話下、昨日一路行來、見那些殘山剩水、滿目淒
其、想此時天下、更無一人也阿、

點絳唇廿載逍遙琳宮月落霜簷曉百二煙消打
動閒煩惱

描出小朝
氣象

混江龍英雄多少都是些楚猴秦鹿墓門鴟弄得
來皮枯血沸額爛頭焦盲魚破浪跛鱉乘潮幾曾
見星文東聚北有那日脚西拋狠嘍囉硬生生稱
孤道寡頑廝養羞答答問道臨朝草竊得一州二
縣兩便當是孟津塲微盧應響挨延得一世二世
呵又道是西京廟文景承祧十字街一班兒使鎗
賣藥的繫了印便是他五雲臺韓彭衛霍三家村

有幾個舞文弄法的執了簡便是他通明殿房杜
蕭曹隔山頭建幾處青紅黑白壇和社纔眨眼早
換却雲日陰晴暮與朝百忙裡一聲鐘動景陽樓
下塲頭三秋風捲咸陽道只受用得城門與觀帥
府。脚刀外扮吳越王上一箭飛空落海潮何如烏
喙飲江醪江南江北烽烟通望神州殺氣豪寡
人吳越王錢鏐是也。只爲五姓爭雄普天鼎沸俺
這江南一帶地勢阻遠近日徐知誥截江而王據
了金陵自稱南唐俺想這些沙陀雜種自救不了

那有工夫爭到這個所在。因此亦據武陵建號吳越。西界梁溪錫山。南止仙霞關。一派建國已來。兵強士勇。狎主東南。又見那李氏單微。頗有北略中原之興。只爲諸雄犬牙相制。轉恐怕乘我之虛。以此憂疑。常懷不足。笑科正是人苦不知足。得隴復望蜀。昨日蘭溪衲子貫休。來到西湖。此人習靜二十年。兼且少年原是個知名秀士。必曉得古今成敗之數。和那將來興廢之機。昨午會間。未便詳問。今日閒暇。正好商確一番。已着人去召他。料應卽

到也。內白大師到了。末上大王。貫休稽首。外上人少禮。請坐了者。作坐科外寡人素聞上人名播長安。今學道二十年。定然有得。且喜今日辱臨。也是俺國合當興旺。寡人願奉社稷。以從上人。你把向來履歷。說與俺聽者。

油葫蘆末俺止見那萬古雲霄一羽毛。把悶儒冠。一旦拋。莽乾坤。日夜波濤。鬼門關。占不上攀龍笏。犯星槎。撐不到蓮花沼。苾鞋邊。青山繞。兜帽上。碧雲撩。望峨眉。秋影向寒空吊。歷歷海天饒。

天下樂此上柳標橫担過野橋輕橈溜晚朝觀
湖山一抹似鵝籠罩。盆景兒雙峰。繡針樣六橋。把
做兩京般粧裹了。外哦原來上人要往西川去。想
是俺這裡地方涼薄。留不得高賢。這個却也不好
十分相強。只是日今且寬住幾時。諒俺吳越雖小。
還不爭這幾頓齋兒。一領衲袍兒。幾間淨室兒。上
人也莫要小覷了俺家。叫內侍鋪設供養。則寡人
與上人倍席。叫兩班文武向前作禮者。雜擺設衆
官作禮貫答科。

那吒令末呀早列着吉争争穿雲的九韶。燄騰騰
三農的血苗。更那玉生生五湖的俊髦。紫貂兒漾
日鮮。展翅兒迎風掉。一個個驚頸鵝腰。外上人俺
這裡與西蜀雖則相遠。那些邊疆上採訪的一級
兒也有信息梢到俺這裡來。俺聞得孟昶就酒好
內料他縱然負險。也是在然上人。你千山萬水往
他國中到那其間。萬一有些些差悞。豈不枉了這
一場奔走。上人你索仔細兒想一想。

鵲踏枝末道是他醉醜醜脂粉巢。大王那孟昶怎

累得老僧也縱饒他地塌天頽怎擺佈得我水潤
山高背科我想俗語道旁觀清當局迷我想如今
人指摘別人張長李短滿口聰明說得來到也不
甚差遠只是那正說時節却不知自家身子放在
甚麼所在怪不得俺家臨濟下一派但見個人纔
道一句便硬着手腕曳個棒兒一條鞭直打到沒
開口處方纔了却如今人那個知道也但憑他莽
男兒閒評浪討怪不得俺瘦瞿曇瞎打盲談外上
人你博通經史定曉得古今成敗之數今日須一

椿椿誦與俺聽者

寄生草末蠹舌留殘料蠅頭戀舊巢這二十年前

的活計貧僧也忘教多時了有幾個蘇臺麋鹿迎

風嘯昆陽牛馬供人吊更鬱林烏鵲臨流悼早知

道我成我敗不由人在了那浮經浪史漫天套外

聞得禪和子說如來入定時無量恒河沙界種種
變相一切入慧眼觀看無有遺漏則上人與如來
也只差得一個階級兒你道如今英雄並起這家
稱帝那家稱王畢竟這答江山終屬誰手上人你

不吝漏洩。朗朗的說與寡人道者。末這個可也不知外上人休謙請便說者。

么末 謊圖識沿街抄測星辰終夜勞止不過莽荒
坎漏出青熒照野狐千偷走旁蹊調把太虛空生
鑿出千般竅美將來南箕北斗總則是爲民勞
知道東家西舍都一樣看承好外背科是我差
了他們和尚家最忌說人禍福我恁般朗朗問他
他怎肯便對我說是了我一向聞得他會吟詩想
來古人也有詩中寓識的我如今只問他索詩便

了。轉科上人別的話休饒舌只今日佳會不可無

詩你肯作詩一首贈與寡人否。末這個使得

六么序十年閣三都管萬人驚七步謔只辦得喚

鴨呼貓舉筆科恁着我鶻落林臯壁瀉江濤風捲

煙消簇發雲搖落紙科放雲箋光芒未了美織靡

不類清平調盼十四州毫端縹緲教一波淹殺郊

和島再休疑鷄壇首唱還則向鷺嶺先標外念科

貴逼身來不自由幾年辛苦踏山丘滿堂花醉三
千客一劍霜寒十四州萊子衣裳官錦窄謝公篇

詠綺霞羞他年名上凌雲閣豈羨當時萬戶侯好
迅速也

么末倦則輕撩漫嘲原沒甚吟髭彩毫錦袋詩瓢

也不會門戶推猷酸辣烹調燠去樹梢走入醋槽

三江四豪一先二蕭接李移桃頌帝稱堯生撞入

文字籠牢剛稱着和西風昏鴉唳野碓音飄添註

個贅三生微笑那裡有噴將血唾止喚做印出心

苗外背科哦他道一劍霜寒十四州屈指科原來

俺如今地界恰有個十四州難道自此後更沒開

廓去處了轉科上人寡人還有一言借問未知聽

得否末貧僧敬聞外方纔詩上說一劍霜寒十四

州倒也考據得的當只想寡人起自徒步奄有東

南若論俺家本色原不曾有一椽一瓦何處得十

四州來若說向後來事俺吳越志非小可豈止十

四州便了卽不然呵成則爲王敗則爲虜世上功

名非增卽減終不成這十四州便是生鐵鑄就的

上人你道俺話怎麼末這個可由貧僧不得大王

你自去做者外如今要你改作四十州你意下何

貫休謁錢
肅王詩本
足頌語此
以詩識視
更占地

如未笑科大王恁去却一隻眼了也

後庭花猛叫我做貯胭脂逢時少擔黛綠尋京兆

贅葫蘆三頰毛叫春閨百舌鳥大莊嚴脂軟了峭

簷竿生按倒八風場搖頭鼓腦看承得一似弄蛇

歌闌闌號打油腔胡亂囂止博着爛黃蘗酒半瓢

貫師本

解甚麼文園賦屈平騷怪不得莽彌衡江夏拋窮

杜甫錦江逃也只為硬頭顱生性喬俊龐兒不耐

描恁教俺把前詩改一遭這也不費俺甚氣力只

可不折抹殺舊根苗好笑我貫休九入長安不知

風塵中混過幾多日月那一輩鄉里少年幾番兒

都使着順風帆洋洋的去了那時當道豈無一人

識俺為甚麼進退無緣直消得與空王作伴都只

被這條拘不住的春梁累得如此俺貫休早年若

肯改這一字呵不要說拖青曳紫先掙上形閣仙

班只怕灰滅烟消早做了黃沙怨鬼貫休你還差

與不差也

柳葉兒早搵得狐頭帶令逢當道少不得狗尾貂

隨盼早朝枉了我十年鳳閣瀛洲棹那些個明河

岸乘槎早。鬱輪袍。新製巧。怕只怕。遇了黃巢大王。
貴休想起幾。替舊事兒來。當時符堅南伐。自誇說
投鞭斷江。止遇那朱序一匹。水山瓦解。恁試說那
八公山的草木。與那百萬雄兵。誰強誰弱。就如曹
孟德這個老奸。豈不是蓋世英雄。據他臨江橫槊。
那般氣焰。可不便把三江五湖。一霎兒填做陸地。
只那一陣不做美的東風。吹的落花般相似。大王。
恁試想來。莫怪貫休南奔也。

元和令。總是這短江流。衣帶條。却緣何到臨岐。鞭

較小甚無情。風鶴也。去間相嘲。便狡曹瞞。憔悴倒。
空仔望春風。銅雀鎖雙喬。只落得望南雲。魂夢搖。
我想這十四州。也好難哩。

青歌兒。量江線一條條。波心吊。馬繁纓。一絲絲。日
下。裊。那裡是山河。一担挑。笑將來。月落山腰。漏轉
林。切。風起雲飄。現見冰消。日月爲昭。燭火誰驕。懣
伏雄梟。涵泳蛸翹。人物蕭曹。世界唐堯。山海兼包。
聲教聯絡。今日可止好。祝他睡。驪龍還一覺。笑科

外。上人。敢笑着寡人麼。末。怎敢笑大王。我笑那貫

一覽衆山
小
炳如圖識

休這老皮囊他做了二十年習靜禪和子倒去骨
人間是閒非豈不顛倒相麼

醉中天一榻請天繞三更清籟迢為甚的擔却瓊

漿賣野膠險些兒乾被蜻蜓笑大笑科我自得了

如今波翻世界處處難容便到西蜀也只是如此

止靠着眉山頭這點點雪兒也扞不住漫天的熱

煇怕吳江楓老巴川雲擾到其間一樣無聊

醉扶歸這些時祇林畔拈花笑寶幢前貝葉攜

多少獻賦蓬萊奪錦標覷不上開花鳥使無玉樓

起草少不得被那蠢仙官催易稿貫休謝六王供

養

煞尾一飯受恩饒七字啣冤小數峰西冥鴻天矯

綠盡吳山山又繞幻影浮泡王公闕九牛毛準備

着倦鳥投巢這芳草天涯何日是了大王恁休胡

思亂想州亦難添詩亦難改孤雲野鶴何天不可

飛只看孤雲兒疾飄野鶴兒朗嘯直上九蓮臺風

逝梵音遙竟下雜稟大工那大師一徑去了外野

僧無禮由他自去你們且看寡人得了中原他將

甚面兒來見我。叫衆官且退。則內侍們伏侍還宮者。衆官呼拜先下。外左右內侍吊場。

集唐

衆開士幽居祇樹林。外向余東指海雲生。衆莫思世上無窮事。外且闢尊前現在身。下

風流塚用韻不借不重

仲愔鄒式金著

正名

平康巷題遍柳枝詞
樂遊原灑盡紅裙淚

第一折

紅媚清新

遶池遊

生冠帶侍從家僮隨上。風流高選薄宦來。

江甸縱襟期調鶯。跋燕旅況浮沉春光深淺。儘才

名娛人。少年左右迴避。侍從下。生集唐數首新詞

帶恨成。醉聞花氣睡。聞鶯畫圖省識春風面。贏得

青樓薄倖名。自家柳耒字耆卿。建寧崇安人也。賦
擲金聲。詞霏玉屑。胸羅今古。曾讀未見之書。紙落
雲烟。盡是驚人之句。本期看花上苑。驤首天衢。爭
奈技拙。吹竽時。乖按劍。因此猖狂。矢志聊復遊戲
塵間。批風抹月。溫柔鄉裏。作生涯。渴雨饑雲。脂粉
叢中。閒過遣。咳禮豈爲我設。何妨投折齒之梭。女
當悅已容。寧必解江臯之珮。不知者謂登徒好色。
我原等於阮之屐。稽之琴。知我者道謝傳情深。要
不過是空中花。水中影。向來隨親游宦。浪跡東京。

有三個行首。陳師師。趙香香。徐冬冬。與我最相契。
厚。近日增定大晟樂府。二百餘調。偶被薦舉。除授
浙江餘杭縣尹。雖然柳下惠。不卑小官。那柳柳州
可是百里才麼。沒奈何只得別了他們。前來赴任。
今日已到江州了。你看飛絮飄零。流鶯睨睨。雖則
王程緊急。難禁旅館淒涼。聞得此間有個名妓。喚
做謝天香。才色雙絕。不免屏去從人。獨自訪他去
也。換衣冠。僅下生行介。

梧蓼金羅生芳草。傷心地斜陽。目斷天幽意。罨前

川步蹁躑。溪迴路轉。且自潛踪秘跡。私訪若耶邊。
怪桃李笑無言也。囉。迤邐行來。則見江蘿漠漠。水
荇田田。杜宇聲殘。啼出武陵春怨。世間功名付之
志士。風調讓與才人。二者不可得兼。我柳永今生
若得遇一絕世佳人。吾願足矣。只怕佳人薄命無
由締緣。只怕文人薄福無端受愆。千金一刺。忍把
韶光賤。虛下。

菊花新。旦上。名花浥露占春先。無力風前鬪。麗媽
凭徧寶雕闌。誰識芳心一點。集唐。獨眠人起合歡。

床解愛臨。印賣賦郎。魂夢只能隨。蛺蝶。秦山楚水
兩垂張。奴家謝天香。跡寄風塵心。同冰雪。幼弄音
文。竊怪窈娘致淺。近工詞翰。不矜蘓蕙才多。敢輕
私地愛王昌。其有風姿迷下蔡。聞得東京有個才
子。喚做柳耆卿。資性聰明天才俊逸。慣解憐香惜
玉。偏工選色徵聲。姊妹們無不敬慕他。因此競相
傳說道。不願穿綾羅。願依柳七哥。不願君王召。願
得柳七叫。不願千黃金。願得柳七心。不願神仙見。
願識柳七面。只是相去路遙。怎麼能得他來。但捧

誦他所做的樂府字字清新言言香艷真是個詞
家名手。奴家手自抄輯終日吟想只當見他便了。
天那。奴家在此呵。

梧蓼金羅小巷迷香徑紅樓鎖翠烟車馬任喧闐
強熬煎春愁自嚙拋却舞衫歌扇長自擁衾眠咳
柳郎柳郎可有與你相逢之日麼盼得人眼兒穿
也囉浮萍逐浪飛絮憑風露水因緣可是三生愛
眷想古來小小真真輩都藉才人傳名後世只是
能得幾人也有才郎年少虛費香奩錦牋也有紅

顏傾國冷却粉臺翠鈿濃華逝水招得春纖倦身
子困來不免少睡片時則個睡介

懶畫眉生上穿花度柳訪幽媛只見流水橋邊隱
畫垣墻頭閒架舊鞦韆想是他家了其中別有深
深院金屋葳蕤貯麗娟不免竟入呀好一個幽雅
的所在你看一簾花影四壁圖書全沒半些俗韻

前腔筆牀翡翠壓華璫研匣琉璃墨浪鐫牙籤錦
軸富瑤編那邊几上一小冊上寫着柳耆卿樂府
呀怎得有此且是寫得端楷又裝潢得精緻則問

他孜孜柔翰情何遠。還問他天上霓裳何處傳。裡
面有人麼。

前腔旦上春眠香夢一絲牽。不覺花陰度玉磚。鸚
哥來報客臨軒。則俺奇葩久護。無人見幾遍。含羞
不自前。見介生小娘子拜揖。旦官人萬福。生做狂
喜介。

前腔生喜驚殊妙出天然。何異輕薄紅綃覆白蓮。
旦呀。這的是夢中擲果七香旋。合相逢一笑如相
善。可是夙世曾逢歡喜筵。旦官人何來。生偶然春

遊到此。敢問小娘子案上之詞。何人所作。旦此是
當今第一才子柳七詞也。妾愛誦手錄置之案間。
但恨無緣未得一見。生天下詞人甚多。何獨愛此。
旦他描情寫景。字字入神。如斷鴻聲裏。立盡斜陽。
今宵酒醒何處。楊柳外曉風殘月。此等他人不能
乞其一字。生如此說來。小娘子果然別具雋眼。名
下無虛。若小娘子欲見柳七。則小生便是。因赴任
餘杭。久慕芳名。循途相訪。到此。旦數載相思。一朝
頓愜。今日何日。有此良覲。妾生平之願足矣。此詞

卽吾媒也。官人請上。奴家有一拜。生。小生亦有一拜。拜介。

桂枝香。生。百年嬌姸。霎時酬願。況是咱江海波臣。怎望及。葢珠仙媛。做覷旦介。覷他秋波。欲溜。秋波欲溜。腰肢嬌軟。可人憐弱柳。隨風舉。紅蕖出水。鮮前腔。旦。乍逢歡忭。翻增腴腆。承謝您柳絮多情。賺出我桃花一片。你才高七步。才高七步。時名獨擅。今日謝天香。好僥倖也。託仁賢。久願隨簫鳳。今朝託錦鴛。小旦上。彩毫揮露色。銀燭動花陰。姐姐。席

已擺在山亭上。請裏面坐。生。旦。携手同行介。

琥珀貓兒墜。合。冰輪初上人。與月俱圓。合。香杯傾。詩酒筵。解襦滅燭。還索定情篇。纏綿願作鴛鴦不羨神仙。

前腔。春深如海。人上五湖船。翠被剛薰。婿髻偏。轆轤聲斷。慢俄延。留連。向碧紗深處。細數心肝。尾。聲情。魔詞癖。相繾綣。這春心。宛轉難詮。莫把風流喚。做顛。

集唐。重見雲英掌上身。楚腰纖細掌中情。

風流才子多春思 同有詩情自合親

第二折

齊天樂 外扮呂丞相堂候侍從隨上 沙堤新築君
恩重 檠戟車填馬擁 鼎彝調元 星辰曳履 競道清
風作誦 非熊入夢 怕莫邪躍冶 泛駕群空 指點鸚
行 幾回搔首羨冥鴻 閭闔千門萬戶開 五雲多處
是三台 太平天子朝元日 北闕晴空采仗來 自家
呂夷簡便是 官居宰相 職忝論思 今上側席求賢
處 懷下士 近日翰林員缺 有個屯田員外柳永 自

公名臣
論不錯

餘杭令陞任來此 頗負時名 我因誕日求他一詞
他筆不停綴 立就呈上也 做得儘好 就中夾帶一
紙 道我不求人富貴 人須求我文章 這等輕薄 如
何入得天祿 石渠之選 養成台輔器量 咳 只可惜
了他胸中錦繡筆底烟雲了 聖上將次臨朝 只索
待漏去

出隊子 末扮宋仁宗引內侍上 紫薇端拱誰扶堯
日慶雲中 訪落常勤賦采葑 皇猷黼黻藉羣雄 帝
求大雅用補山龍 外見介 願吾皇萬歲萬歲 末

昨日吏部薦稱屯田員外郎柳永才堪大用擬入翰林卿識此人歪外此人雖有詞華但恃才傲物全不以功名爲意現居郎署留戀章臺若重用之恐壞士習他有西江月一詞恭呈御覽末看介原來如此內侍取筆視過來衆應介末批介柳永不求富貴誰將富貴求之任作白衣卿相花前月下真詞

剔銀燈外論詞華儘自精工笑疎狂柳吟花弄玲瓏石做不得中流柱艷陽枝充不得大厦棟饒他藻思誇晁董待附雲霄怎擔承破格登庸

前腔末魚和水千載難同那吝和驕一人常共傲兼葭偏不傾葵藿誠奏和鸞怎好強康鹿用空勞睿思漪蘭詠小才華一任做住山翁尾聲九重雨露天邊寵謾說着雲起龍從却笑他瓠落差堪江海容

第三折

憶秦娥生引僮上分飛久桃花人面依如舊依如舊千里相思一朝輻輳且引侍兒上粉銷香滅菱

暇日未免有情難遣。每念謝天香遠在江州。無從再會。且喜他買棹南來。可謂不幸前盟一片有心人矣。今日同他放舟郊外。閒話湖山。有何不可。且奴意正欲如此。同下船介。

畫眉序。生鏡裏木蘭舟。尊鱸正美。秋時候。喜卑官多暇。對景忘憂。挾飛仙蕩漾清波。逞風情倚偎紅

袖。可憐顰翠描難就。恰映着遠山明秀。將酒過來。衆有酒。把酒介。

黃鶯兒。旦花酒會江州。占臨邛第二籌。才情還讓。當今柳。今日呵麗句探喉。新歡入手。守宮驗取。依

然又謾疑眸。畫橋十二。遮莫是瀛洲。雜家童上。稟

老爺走報人在外。生報甚事來。雜不應呈報介。生

看讀介。吏部一本爲特叅事。奉聖旨柳永不求富

貴。誰將富貴求之。任作白衣卿相。花前月下填詞

做大笑介。原來因此俺柳永好僥幸也。多謝聖恩

放假從此無拘無束蕭散安閒與卿輩平章風月
秦樓楚館卽我金馬玉堂矣且相公高情勝氣自
應如此只今聖上憐才心切不久自當內召生天
香差矣仕途險窄怎如罷職的快活逍遙想我當
初讀書凌雲志氣及牢騷失意變爲詞人以文采
自見使名留後世足矣何期被薦頂冠束帶變爲
官人浮沉下僚終非所好今奉旨黜落自由自在
縱意詩酒變爲仙人今後當自署云奉旨與詞柳
三變凡有著作卽署此名是好一個官衙也

皂羅袍。世事雲翻雨覆。到如今。休閒如脫鷹鞵。放
開雙足恣遨遊。是非不上眉兒皺。驂騑千里絲韁。
早收鯤鵬四海。虞人罔求。英雄豈入尋常彀。

浣溪沙。旦。花間蝶。水上鷗。偏生識得風波溜。柳郎
你纔道仕途險窄。奴家也。想來鷓鴣班。爭似鸞凰
偶一任他。朱衣紫綬大古是行監坐守。怎如向烟
波深處同消受。今後呵。私心。情願捧吳鉤。生。咳。天
香。你可省得麼。世間不獨富貴功名。猶如夢幻。卽
悲歡離合。摠是空花。昔日霍小玉。真恨花盟。蘓小

卿終垂伉儷。求之太真。失之轉遠。怎如我和你無心作合。究竟相從。果如所願也。

玉交枝。萍踪邂逅。頓圓成兩意。相投引紅絲。自結同心扣。採芳洲。杜若夷猶。試看蘭浦。鷓鴣搥並頭。春林鶯燕。須同宿。誇醉鄉兼傍。溫柔白。衣臣望。齊山斗。且妾自別君之後。閉門謝客。聞君奉召而歸。雖間關奔走。猶未卜舊盟。若何今日果遂。風緣豈非天也。想起江州一別呵。

玉抱肚。河橋分首。豈道今日所情。春風吹破離愁。

媿氏葩。移向朱欄。喜知音肯典。鸚裘烟雲。森森俱冥。搜借隱偏宜。與婦謀生。天香你看山淨。如救水明如鏡。村落間。遍開黃菊。好一派秋容也。

憶多嬌。天與秋山。與幽兼謝君王。早與休。投綬歸來。遂好逑。大笑介。天香俺柳七。今日大悟了也。夢破莊周。夢破莊周。真個其生若浮。且相公不須感嘆。且請回船罷。

月上海棠。君知否。雲衣變幻如蒼狗。人生如寄耳。但當前快意。何必公侯。謝多才。得抱衾裯。願同歸。

爲下作步
是謂情禪

白首丹丘生。天香從今後。應不負你。憐才一段緣。
由衆已到岸了。生携旦手介。再和你燈前閒話去。
尾聲醉歸還酌玲瓏酒。別有一首新詞佐唱酬。只
怕似水流年不可留。

集唐

結託蕭娘只在詩。何因重有武陵期。
芳筵想像情難盡。何必相逢未嫁時。

第四折

掛真兒旦。素妝上相思一夜天涯遠。幾年來紅袖
香消。幻夢千場。幽懷萬種。又是清明節到。奴家與

柳郎契合風塵。誓同生死相從。以後笑談風月。輒
多選韻分題。遊覽湖山。便與携榘載酒。只道青春
未艾。白首爲期。那知余命不猶。他早中途捐棄。居
官兩任。滿袖清風。所幸香名籍甚。紅裙見憐。千里
會葬。贈賻填委。奴家便當嫡親眷屬。葬之樂遊原
上。今日清明已備下酒肴。不免向他墓上祭掃去。
雜挑祭品隨行介。旦。想起柳郎呵。

步步嬌。女采風流矜殊調。四海聞英妙。如今呵。只
落得心坎自摹描。他荀令姿儀兼謝家言笑。真個

是好物不堅牢。生生看殺人。年少前面便是柳郎
墓上了。哭唱科。

柳郎如家當年夢作所

五更轉爲才情。諧歡好。同品鳳鸞簫。千攔百縱相

尋討。那時一片心懷。道世上無雙。人間絕少。味綢
繆。歌窈窕。疑蓬島。三星耿耿。將人照。低呼小字貼
身。迴抱。

園林好。霎時間風雨漂搖。生拆散鴛鴦。夢寂寥。待
向碧落黃泉求遍了。奈巫咸不可招。奈巫咸不可
招。

江兒水。難覓洪都客。誰傳續命膏。掩春光。雨葬梨
花貌。殺風情。絃斷求凰操。憶多才。淚濺烏絲稿。三
尺孤墳。可道百年難保。

玉交枝精靈縹緲似飛花何處沾着悲風肯與歸
魂導重叮嚀野鬼山魃柳郎柳郎你生前俊臉恁
輕佻死後芳魂還繚繞我想伊時花朝酒朝夢伊
時雲宵雨宵柳郎你可知我今日麼

玉抱肚衷腸誰剖舊西樓別樣丰標婚姻簿註定
孤辰相思卦占了空爻年年祭掃到墳澆只當江
州訪一遭老旦小旦貼旦素妝上奴家陳師師奴

家趙香香奴家徐冬冬相約柳郎坟上祭掃呀前
面像是謝家姐姐先在此了見介果然是謝娘我

等亦為掃墓而來旦如此甚好便一齊拜奠罷同
拜奠酒介

玉山頽擎杯上告淚珠兒添和香醪酸辛竝蹙春
山黛憔悴難開人面桃香盟如昨偏恨我們呵容
易說相從偕老落葉無人掃任風飄空向樂遊原
上認兒曹柳郎你如此才情生前不能大用這許
多詞賦難道便生生埋沒了再奠酒介

三學士你蘭心蕙質虎繡龍雕生憎惹俗眼相嘲
你今死後空居誰遣求書使相傍時吟起牧樵紅

裙且代青蠅。弔嘆塵世。揔浮泡。三奠酒介咳柳郎

柳郎妾如今在此叫你可曾聞也

解三醒。痛煞煞一聲相叫。慘嗚咽。不似枕邊嬌想。

着你夜臺寂寞。長眠悄。銷銀燭。濕鮫綃。縱有生平

佳句。堪吟想。怎能見半點音容。破鬱陶。心悲悼。煞

強如嫡親骨肉。設醴陳肴。侍兒你可化了紙。化紙

介

川撥棹。陰雲杳。悵分携。腸似擣。我和你恩愛呵。你

捫心不負分毫。我捫心不負分毫。有一日得耐東

郊連理樹。長雙條。鶉鶉翼覆同巢。

嘉慶子。生生死死。種情苗。雨雨風風。喚故交。咲癡

心似漆如膠。咲癡心似漆如膠。這是地下相思的。

榜標。東郊外草蕭蕭。秦樓上夜迢迢。想人世一切

姻緣呵

僥僥令圓缺。如眠覺。愚醒揔鹿蕉。則這一點情根。

絲裊裊。憑着他骨化形。銷不肯饒。

尾聲望。夫臺高築荒阡道。這事只合訴巫山廟。且

拈取五色花。賤為耆卿續舊貂。

集唐

風雨林中有鬼神
手披荒草看孤墳
身前影後無人見
江上陰靈鎖夢魂

空堂話雙調齊微韻不重押

叔介鄒兌金著

叔介深入
運那此文
從妙悟中
流出筆墨
似化逸氣
高情藻思
韻特餘
技耳

鋪奴上一泉一石伴清尊博奧當今未有倫公道
世間惟歲月春風次第到柴門自家鋪奴與弟缺
奴同在張相公書房服役俺相公半世磨成傲骨
前生種下痴腸說起古今書部部皆窺偏空下眼
前八股隨他知名士人人願友只拘了場中主司
生長在統袴叢中具眼的却道他作人無長物與
至把胡荇撒去有識者却道是終日無鄙言只因

不得意。整日只是醉酒。目今元旦新正。尚自宿醒未醒。雖是門無雜賓。怕有相知。到書房閒話。我已焚香洗硯。整理鏡梅。未知鈇奴烹茶未曾。鈇奴上見介問介。鈇茶已烹就。只是一件。今早相公傳話。分付整治酒餚。又着我去請唐子畏。祝希哲兩位相公。哥。你是曉得的。那唐相公已物故多時。就是祝相公。也在京師會試。這是那裡說起。莫非昨晚過醉。今日還在那裏說醉話裡。鍾這也奇怪。作尋思。介我曉得了。俺相公醒的時節也說得是醉的。

醉的時節也說得是醒的。常說道。齊得醉醒。便可一得生死。又何論天涯海角。這兩人與他第一相知。想是真個要請來一坐。你我須索小心。祇應鈇正是這樣事。在他人爲奇。在俺家又極平常了。只是請又沒處請。又不好回他不在。只索看相公出來行徑。相機而行。呀。說猶未了。相公早上。正未扮張教上。情隨年少暗驚疑。賣與何人剩有痴。殘夢不須愁未竟。留將一半待醒時。自家張教。字幼于。日來顛倒醉夢。不覺已是新正。今日邀子畏希哲。

兩人閑話未知已來否。鈇還沒有來。末陡想是你去請遲了，不在家。鈇面請的說隨後便到。末既如此。鍾奴設酒伺候。鈇奴隨我去，併拉張相公來。鍾奴應設席下。末作行介。出得門來，眼前光景好生寥落也呵。

新水令 一天愁思亂鶯啼，借紅顏。去年殘醉古今橫短徑，來往問疎籬。布帽斜欹，芳草斷魂地。鈇相公前面高軒絲蓋，遠遠的來了，恐是相公認得的。暫且迴避。末笑介。這箇那裏認得。

駐馬聽 暗裡鬚眉自許，曹劉識者希。鈇奴爲何街坊上靜悄悄，絕無一人。鈇相公說得好笑，這些喬粧打扮，往來作揖的，不是人，是什麼。末這也難道眼前。蝻志任他蠅蟻漫相隨。鈇指介。那邊像是張相公家。末詩人恰住浣花溪，茅簷遠映修篁內。鈇原來門閉在此。叩門介。末門未啟，紅塵遠向堦前避。小生扮張孝資上。見介。張幼于請。末不消坐了。

恰纔約子畏希哲兩人在舍，兄可同過一談。張作遲疑介。末呀，孝資疑兩兄不來麼。張笑介。幼于相

邀。五。兄。必。赴。未。如。此。就。請。同。行。行。介。張。轉。眼。間。又

覺。春。風。吹。鬢。也。

沉。醉。東。風。未。雖。則。是。迎。青。帝。椒。花。欲。蕊。俺。可。有。傲

東。皇。栢。醞。新。醅。吾。輩。當。以。天。地。為。室。日。與。四。海。諸

公。共。處。豈。以。形。骸。為。隔。漫。說。道。人。琴。此。日。亡。還。則

是。臭。味。當。年。未。張。子。畏。此。時。敢。已。在。齋。頭。了。莽。招

魂。研。北。樓。西。張。希。哲。來。路。較。近。些。未。圖。得。個。萬。里

關。山。手。共。携。冷。淡。煞。雲。鴻。片。鯉。到。介。鋪。上。迎。介。唐

相。公。祝。相。公。已。先。在。書。房。飲。酒。了。未。張。如。此。甚。妙。

作。進。見。介。作。同。坐。介。張。我。與。兩。兄。許。久。不。會。也。未

呀。兩。兄。何。日。不。會。來。

鳳。將。雛。雖。然。是。面。時。秘。却。不。道。醒。狂。意。氣。緊。相。依。

當。此。新。正。正。當。拍。浮。大。白。以。開。笑。口。共。飲。介。未。醉

交。醋。友。吾。儕。味。張。子。畏。素。不。妄。交。近。日。得。無。寥。落

未。你。不。知。子。畏。與。那。楊。馬。李。杜。歐。蘓。諸。公。日。久。過

從。也。大。古。裡。傲。骨。難。灰。恰。正。好。飲。吟。魂。送。落。暉。索

強。如。長。安。道。思。鱸。膾。洛。陽。街。尋。燕。壘。滿。飲。一。盃。為

希。哲。解。嘲。共。飲。介。張。今。日。可。稱。良。晤。也。未。情。之。所

鍾豈以吾輩反不如兒女乎不見那桃花面映倩

女魂離末前日那段姬輦宜鋪奴可速召來為諸

公侑酒鋪應下張子畏子畏世間只有那烏紗是

硬幫幫的黃金是幾突突的未審子畏生天以後

還是何如作聽介末原來子畏一疋天上是相都

無得此快論為下酒物十斗不足多也共飲介

掛玉鈎末我只道那朝市紅塵沒馬蹄到處人如

沸却原來北郭青山碧水湄別有箇清涼地作聽

介兩兄若問起小弟近况呵則這懶性兒趕不上

白借叶

那白駒忙瘦腰兒支不過這人情碎張富貴如眼

中石火耳邊爆竹豈落豪杰胸中只怕七尺易灰

寸心難死不朽擔兒歇不下也作聽介末原來如

此快哉快哉滿飲大盃以澆壘塊痛飲介末儘仗

着醉鄉餘論猛可裡抹去玉樓題張文人嘔盡心

血不遇知己若非冥冥中把聰明懵懂一槩勾消

便十世百世還要化作杜鵑啼血哩

鴈兒落末只為那筆尖花未吐奇還恐怕腕中鬼

終成崇像手畏還盡了筆墨債比我三人好不道

遙自在也。那里有碎鐘琴流水。悲那里有泣和玉
荒山淚。如今世上痴人。占盡了癡福。幸得四大空
時同此一番受用。共飲介

得勝令。到不如長閉白雲扉。高捧住紫霞杯。有一
日揭起了翠微鄉裡浮名障。推碎了宛委山前慧
業碑。休疑忽撒手騎鯨尾。羞提任空梁落燕泥。
小旦扮段姬同鋪上。點點春愁落翠峯。當筵解語壓
吳儂。偏伶巫雨連天暗。朝暮銷魂向此中。妾身釀
宜蒙張相公呼喚。不免進見。叩鋪適緣所言。段姑

娘牢記着。段理會得。作進見介。小輩鄉何以來得
恁遲。段朝來懶得出門說。張相公有遠客強應來
命耳。張這妮子煞是可人也。末

沽美酒。末則見他溜秋波一點痴。攀花朵千分媚。
可正是纔下眉稍心又泥。諸兄共舉一觴醉。此春

色共飲介。張子畏還記得少年豪俠否。作聽介。末
正是正是風流未墜。色相何存。再休題月痕花蒂。

春去也。燕鶯期。段聞說燕趙多佳人。敢問祝相公
那燕京春色。還與吳門一樣否。作聽介。末原來如

此

太平令 若問起燕臺佳麗抵多少虛名下過眼空

迷段妾有兩箇知心姊妹一在會稽古驛中一在

孤山桃花影下浼唐相公替妾稍個信兒則看他

寄春風柔腸互倚酬夜月香魂逐隊張輦鄉奉兩

兄一觴奉酒介未休說那地非事非影非儘喚做

天涯同殢段看那日影初斜春光欲語與諸君庭

前閑步一回何如未這也使得作舉盃携手行介

張幼于高情輦鄉逸致此會非同等閑也

賣花聲末今日裡風塵滿眼尋知己非是那月粉

縈心傍玉肌看斜陽有恨映寒梅不論鬚眉巾幘

只那風塵落拓中大有人在在恨煞那紅顏無主青

衫欲濕張今日把酒臨風不可不盡醉也浪乾坤

一盃相酌作勸酒介段夕陽那搭敢是祝相公旅

寓

落梅風未休問那燕吳路日幾迴恨蒼茫亂山疑

翠舉盃介則俺這設醴交情長似水讀罷離騷羸

得夢魂連袂張古人云人生不得行胸臆雖活百

空堂詩
歲猶爲夭。則今日與子畏也。差不遠也。

甜水令末。猛提起骨化魂銷。髮枯腸斷。形憔悴。

到不如携手夜臺歸。據小弟看起來。人生不得行。

胸臆。雖活一日。猶爲壽也。則今日抉破離愁。消磨

殘夢。支持新歲。吾輩宜如子畏多時矣。可不共慶

一觴笑飲介末。喜的是一笑玉山頽。作醉介。

雙鴛鴦煞尾末。走天涯何處把騷魂瘞。覓仙方無

計。把癡腸替一任他繁華夢鶯聲喚起。黑漆漆夢

中朝。密排排皇家曆。急促促愁人晷。收拾夢花盟。

猜破雕蟲謎。舞介對東風舞一回。則他那桃花塢。

土一堆。指良介蒲東寺難問。崔指空介鸚鵡洲誰

姓。禰提破了生天後世因。懺過了綺語今生罪。張

幼于已醉末。醉次第朝來第一。段我們亦從此告

別末呀。諸君正未可別也。還待夢兒中剪燭話清

宵。只要你向影好窓西。喚張救。作醉倒。鈇扶下一張

問。鍾介你相公此番醉得不善也。天色已晚。可覓

車兒送。段姑娘回去。鍾車兒已在門首。還有一句

兒要問。恰纔飲酒還是幾人。張你道是幾人。鍾是

影好窓弟
讀書處

三人。張不是。鍾是五人。張也不是。段只好說是一人。張笑點頭介論起來古今才子那一箇不在座。只是古今才子原沒有兩副肚腸哩。鍾張相公說得最妙。

張潘鬢合春應有絲

鍾擬將一哭代新詩

段傷心別有奇懷抱

合欲向東風問柳枝下



